

مجموعه سنون

از

جمعیت علمیه عثمانیه

اوچنجی سنده

نومرو ۲۶

صفر

سبع الاخر

استانبول

جمعیت علمیه عثمانیه مطبعه سنده طبع اولنشد

۱۲۸۱

ایندیکنی مشاهده و تحقیق ایشلر در . جنوب مذکوره خربوت
و ملاطیه طرفلرنده اکثریا نزول ایلدیکنی تقدیرجه بونک اولوالیده
حاصل اولدیغنی بی اشیباه ایسهده بروجده محرر بورالر واسطه سیه
محال بعیده دن کلسی دخی محتملدر .

(منیف)

(خلاصهٔ پولیتیکه)

پروسیا دولتی دول معظمه دن اولدیغنی حالده قوهٔ بحر یه جه
دانیمارقه دن دون اولدیغندن بو کیفیت اوته دنبرو کندوسنه موجب
خوف و اندیشه اولوب محاربهٔ حاضرده دخی بونک سؤ نتیجه سنی
کوره ش اولدیغندن دوتنساننی دانیمارقه ده غلبه ایدیه یله جک
برحاله قومعه بذل مجهود ایدوب شور قاج ماه ظرفنده خارجدن
سفائن اشتراسیه قوهٔ حریده سنی تضعیف ایش و المانیا غزته لرینک
روایتنه کوره دولت مشار الیهانک اشبو قوهٔ موجوده سی پروسیا
سواحلی محافظه یه کافی اولدقدن بشقه دانیمارقه اوزرینه هجومه
دخی مساعد بولمشد .

روسیه و اوستریا و پروسیا دولتلری دانیمارقه ممالکنی بینلرنده تقسیم
ایتمک و دیگر بعض مقاصد پولیتیکه دیرینه دسترس اولقی اوزره خفياً عقد
اتفاق ایش اولدقلرینی مقدمجه مورینک پوست نام انکلیر غزته سی
ادعا و حتی اولیاده دول ثلثهٔ مشار الیهم یننده عقد اولتان
عهدنامه ک صورتنی دخی اعلان ایشیدی دول مشار الیهم طرفندن

بو کیفیت صورت رسمیده ده انکار اولمش ایسه ده انگلیز غزیه لری
حالا صدق مدعا رنده اصرار ایدرک اوروپا نك سربستی واسایشنی
اخلال ایده جك بو مثالو اتفاق بالظبع اقرار اولسه مز و وقتیه
لهستانك مقاسمه سی سالف الذکر اوج دولت بینده نصل اتحاد و اتلاف
حصولنی موجب اولمش ایسه بو دفعه دانیمارقه نك تقسیمی
دخی بینلریخی اویله جه تألیف ایتشدر دیمشدر.

روسیه دولتی دول سائر نژدنده مقیم سفرا سنه خطاباً بر قطعه
اعلانتامه نشریه عزویات مذکوره بی بالکلیه انکار ایتشدر.
فاس اهابسی طرفدن اوراده بولنان یهودیلر حقنده مؤخرأ بعض
معاملات غیر نامر ضیه وقوعبولدیغندن طنجه ده مقیم انگلیز
قونسلوسی اورا ده بولنان دول سائر قونسلوسلریله متفقاً فاس
دولته تبلیغات شدیدیه اجرا ایتشدر.

کچن حزیران اواسطمنده امر بقا جها هیر شمالیه و جنوبیه سی بینده
درت دفعه محاربه عظیمه وقوعبوله رق طرفیندن دخی کلی تلفات
اولمش ایسه ده بر نتیجه سی کوریه مامشدر. ممالک مجتمعه امر بقا ده
بولنان اسرای زنجیه نك عهد قریبده اعتاقی خصوصنه بو دفعه
ملت مجلسنده قرار ویرلشدر. معلوم اولدیغنی اوزره اشبو امر بقا
زنجیاری شمیدییه قدر حال اسارتده بولنه رق ممالک حارده زراعت
و امثالی امور شاقده استفاده اولدقدن بشقه بیاض اهلینك
حائز اولدقلری حقوق و امتیازاتك پك چوق چوغندن محروم اولوب
ازجمله بولنك كرك اسارت و كرك عتق حالنده بیضا ضلله برابر
بر سفرده طعام ایتسی و بر عربیه سوار اولسی و حتی بیاضلره
مخصوص کلبه سارده عبادت ایلمسی قانوناً ممنوع اولدیغندن برهنوال

محرر اعتاق و زمزمه احراره الخاق اواندقلری تقدیرده اهای سائره ایله بونلریننده مساوات کامله حاصل ارله جغی درکاردرد. شماللو اردوسنده تیغوس تعیر اولنان جای محرقه علی ظهورایدرك پك چوق تلفاتی موجب اولوب حتی حزیرانك ابتداسندن نصفه قدر بری بری اوزرینه کونده اوچوز و فیات وقوعبولش و محاربات مذکوره مجرد عسکره تبدیل مکان ایتدیرمک ایچون اختیاراولمشدر اولوجهله خسته لقدن ناشی انسائجه اولان تلفاتندن بشقه کلیتو بارکیر ایله عسکرک ما کولانسه مخصوص صغرل همان کافه هلاک اولمشدر.

حکومت مرکزیه ایله تحت اداره سنده بولنان ممالک یشنده براز وقتدنبرو ظهور ایدن اختلاف دوام ایتدیکسندن بیلرنده اتفاق تام وارایکن حکومت مشار الیها جهایر جنوبیه بی تحت اطاعته ادخال ایده مامش اولدیغی حالده اشبو اختلاف حالده انلرله باشه حیقلسی برقات دهها مشکل اوله جغی درکاردرد.

مکسیقاده ایمپراطور سابق یوآرس حالا اوراده ایکی ایالتیه متصرف اولوب حکومت جدیدیه و معاونی اولان فرانسه عساکرینه مقاومت ایتکده اولدیغندن کچن تموزک اوچنده بر طاق سفائن ایله بر طابور فرانسز عسکری (اقابولقو) نام محله هجوم ایله بلا محاربه ضبط ایتشارو اوراده بولنان یوآرس طاقی ایچرو طرفله چکیلوب اوتوز سکر قطعه طوب براقشاردر شهر مذکورک ایتسندیه دخی ینه فرانسز عسکری بغته برقریه هجوم ایتلریله یوآرس عسکری منهزما فرار ایتش و خیلی ادملری تلف اولدیغی مثالو درت قطعه طوب دخی فرانسز یدینه دوشمشدر.

لهستان اهل بسندن رومایه التجا ایدن بر طاقم رهبان وسائر محققه
 پاپا حضرت تری طرفندن مراسم مهمانسوازی به رعایت قلمش
 اولمستندن طولانی ایفای تشکرله برابر انفس مقدسه سی بر کاتبه
 مملکت تری ینه نائل استقلال اوله جغی امیدنده بولند قلربی بیان
 ایشلر و مشارایه دخی یازدیغی جواب نامده له ملتک شو حال
 ریأس و ملالرنده کندوسی حقنده بو وجهله ابراز ایتدکلی
 مأثر مودت و انجذاب موجب تسلیتی اولدیغی و بالجمله اهالی مملکت
 و بالخصوص تشکرنامه مذکوری تحریر ایدن رهبان طابقی مملکتک
 شواثاده دوچار اولدیغی فلاکتک اندفاعی ضمیمه درگاه الهی به
 عرض مناجات ایلری اقتضا ایده جگنی و جناب حق ارحم الراحمین
 اولوب عون و عنایت الهیه سیله مصائب حاضره نک مرتفع
 اوله جغنی بیان و عموماً اهالی لهستان تقدیس ایله ختم کلام ایشدر.
 فرانسز غزیه لرنک روایتند کوره جزائرده هنوز سلاح بدست عصیان
 اولان قبائل دخی بودفعه عفو و امان استدعا سنده بولند یقندن مملکت
 مذکوره ده امر اختلال بالکلیه مندفع اولمشدر.

تونسده رئیس عصات طرفندن ۱۲۸۰ سنه سی ماه رجبک سلطنتی
 تاریخیه مؤرخاً دولتلو والی پاشا حضرت لریند ارسال اولان ورقه نک
 ترجمه سیدر.

دولتلو والی پاشا حضرت لرندن ویرکومرنک تنزیانی و بالجمله قائد لمرنک
 (قامقام و مدیر) تبدیلی طلب ایدرز. اشبو مطالبین اسعاف اولندیغی
 حالده کندوسنک کماکان صدق تابعیتی قبول ایله هر وجهله لوازم
 اطاعت و عبودیتک ایفاسنه سعی ایدرز. فقط مقاصد مزبورده مز
 حقنده مساعده کوسترلز و سیدی فرهادک قتلندن طولانی عزو

اولئسان مسئولیت بر طرف ایدلز و بعض تکلیفات واقعہ دن صرف
نظر اولئزو بالخصوص مر تکب مأمور لر عزل و تبدیل قلئر
ایسه اہالیئک بر وجهلہ افتناع و اسکاکی ممکن اولیوب بالعکس فتنہ
حاضرہ کتدیکجہ کسب جسامت ایدرک خالق و مخلوق نظرندہ
نامقبول بر طاقم او یغونسزلقلر ظہورندن خوف اولئور.

تونسدہ مقیم فرانسه قونسلسوسی موسیو بووال طرفندن اورادہ بولان
دول سائرہ قونسلسولسرینہ یازیلان اعلاننامہ ک تجرہ سیدر.
مقدمہ کی اعلاننامہ بیان ایلدیکم نیاتک اجراسنہ سعی و اہتمامدہ
تجویز قصور ایلدم. سوس و صفاقس شہرلی اہالیسی حققرندہ
عفوعمومی اعلان اولندیغی تقدیردہ بونلرک عرض اطاعت ایدہ جکلریغی
بیلدیکمدن کیفیتی والی پاشا حضر تلرینہ بیان ایلدم. مشار الہ
حضر تلرندن الدیغ جوابہ نظرأ اہالی مذکورہ طرفنہ تأمینات
ملتسدہ ک ارسال اولتہ جغنی مأمول ایدرم. حصول ترقی و معمریتی
اوتہ دنبرو فرانسه دولتی نزدندہ ملتزم اولان اشبو مملکتک محاربات
داخلیہ مصائبندن وقایہ سی مجرد تدابیر مصالخانہ و بیغرضانہ
اتخاذینہ متوقف اولدیغی بیانی احترامات فائقہ ک تجدیدینہ وسیلہ
اتخاذ قلندی.

کچن دفعہ یازلدیغی وجہلہ دانیارقہ مسئلہ سنک صورت مصالخانہدہ
حلی ضمتندہ دول معظمہ مر خصلرندن مر کب لوندرہدہ منعقد
قونفراس بر ایش کورہ مہرک منفسخ اولمش و بو وجہلہ دانیارقہ
دولتی دول سائرہ ک توسطندن بر فائدہ مادیہ حاصل اولہ مہ جغنی
واوستریا و پروسیا دولتلری ایسہ مؤخرأ السن وسلیل اطہلریغی دخی
ضبطاً یتدکلری جہتلہ ارتق بونلرلہ مقاسومتہ امکان اولدیغی تیقن

ایلمش اولمغله ویانه و برلینه تحریرات مخصوصه ارسالله متارکه اولمنسنى و اساس مصالحه تذکریچون بر مجلس مکالمه عقد قلمنسنی تکلیف ایلمشدر. دولتین مشارالیهما بوبابده بالممنونیه اظهار موافقتله تموزک یکر می ایکبسنه قدر ترك محاربه اولنفرق بواشاده متارکه و بعده مصالحه عقدیچون ویانه ده مکالمه یه ابتدار اولمنسنه قرار ویرلشدر.

ایتالیا دولتی ممالککنده ۱۸۴۴ سنه میلادیه سنده تولد ایتمش یعنی ایوم یکر می یاشنده بولمنش اولان اشخاصدن الی طقوز بیک ادمک عسکره المنسنه بودفعه ملت مجلسسنده قرار ویرلشدر. ایتالیا عسکری مؤخرأ ۲۲۵۰۰۰ نفره تنزیل اولمنش اولمغله یکی یازیله حق مقدار مذکورایله ۲۸۴۰۰۰ نفره بالغ اوله جقدر فقط ارباب تحقیق افاده سنه نظرا ایتالیا دولتش قریم و ایتالیا محاربه زنده بولمنش ایشه یرار عسکری یالکز ۱۰۱۳۰۰ نفردن عبارت اولوب قصوری کافه بحمیدر.

اوستریا دولتی یونان قرال لا حقنی شمیدی یه قدر تصدیقندن استنکاف ایلمش اولدیغندن بر از وقتد نیرو اولسایده اجرا اولنان مختبرات عهد قریبده نتیجه پذیر اوله رق اوستریا دولتی طرفندن اتیه بر سفیر تعیین واعزام اولنه جفی ملحوظ بولمنشدر.

